



## **Komunikado di Prensa:** Partisipashon di Study & Career Event Bonaire 7 novèmber 2016

Sètèmber 2016

Djaluna 7 novèmber 2016 e anual Study & Career Event Bonaire (SCEB) lo bolbe tuma lugá. E preparashonnan pa e evento aki, kontinuashon di lokual ántes tabata yama Marshe di Estudio i Profeshon, ta den full swing. E aña aki nos ta kumpli ku deseo di hopi hende pa organisá e evento riba un dia den siman!

E evento su meta ta pa yuda hóbennan di Boneiru ku nan eskoho pa un estudio òf profeshon i ta enfoká riba hóbennan den e último añanan di enseñansa sekundario òf enseñansa vokashonal intermedio (MBO). Si nan por kombersá personalmente ku institutonan di estudio avansá, ta mas fásil pa e hóbennan hasi un eskoho bon fundá.

Nos tin notisia ménos bon tambe: e aña aki no por organisá e kompetensianan di Skills, pasobra no a keda kla ku finansiamentu. A kuminsá organisá e kompetensianan aki den kua studiantenan di MBO ta kompetí pa ta esun mihó den nan abilidadat profeshonal for di aña ..... na Boneiru i ya kaba nan a kuminsá bira un tradishon. Hopi estudiante di MBO tabata saka hopi motivashon i konfiansa propio for di e kompetensianan aki i p'esei organisadónan ta lamentá mashá ku e aktividadnan aki ta haña asina poko rekonosimentu.

Pa e motibu ei SCEB e aña aki lo konsistí di e marshe di informashon so. Institutonan di enseñansa avansá di Estádos Unídos, América Latino, Karibe i Hulanda lo ta presente pa duna informashon na nos hóbennan. Ademas lo tin doñonan di trabou ku lo muestra ki tipo di profeshonal Boneiru mester. Tambe lo tin diferente presentashon i tayer interesante i inspirante. Anochi e mershe di informashon lo ta habrí pa mayornan i otro interesadonan.

Si tin pregunta por tuma kontakto ku Rosemarijn de Jong, Kordinadó di Study & Career Event Bonaire 2016. Tel: +599 701 9797 | Email [studyfairbonaire@gmail.com](mailto:studyfairbonaire@gmail.com)

